

皇清文穎續編

皇清文穎續編卷六十九

詩

七言古詩

採桑曲

定安親王永璜

蠶月清和桑徧綠春閨養蠶蠶新浴纖纖嫩葉風和  
暢近壓牆頭遠陌上鳴鳩聲裏朝含烟繞徑青青著  
雨鮮晴採桑雨採桑蠶事家家日夜忙女伴招邀尋  
碧陰懿筐次第躡微行辛勤用盡閨中力欲摘高枝

三才圖會卷之二十一  
二  
猶密密飼待三眠初採畢繭到獻時人闢戶條桑幾  
日成桑土衣錦毋忘繰絲苦

射虎行

履端親王永城

秋風蕭蕭秋雲薄凌晨整裝陟巖壑  
鵲魚分隊穿深林猛虎一聲萬葉落  
隔嶺傳呼集飲飛須臾行伍森包絡  
麇麇騰倚不復論鼓勇爭先期翦惡  
箭飛赤羽鏃星流鎗閃綠沈尖鐵削  
失勢猶思負隅便橫哮那肯從人縛  
安行徐冀突圍去四望弓稍排柞鄂  
忽然

人立勢上騰長戟春喉巧相著垂死何能仗爪牙曳  
林已見穿斷齧爾方伺鹿人爾擒徇欲忘軀此其畧  
生時猛氣伏羆熊倉卒仍難免盧獵歸來負以一虞  
駝血點斑斑染霜鏑和門校獲萬人歡大旆風高淨  
天幕明朝列騎更搜山無使深林藏不若

二月四日

駕幸涼鷹臺觀虎鎗營人殺熊一豹一虎三因賦長

歌紀事

履端親王永瑛

廣塲新築如砥平高臺拔地張幔城臺前日照

珠勒控臺上雲護

金根停伫飛勇士下環立鐵槍閃閃雄風生林中猛

獸柙中伏垂頭帖耳魂先驚東風掃霧難隱豹爪牙

不動尾徐搖

去聲

劇憐堅卧冀偷生鶻箭驚聞餓鴟叫

僕姑連中忽揚威抖擻金錢仍怒拗幾曾出檻便僵

軀剩許畱皮供辨跑黑衣將軍立如人徘徊舐掌微

掀腎荒山舊館早失所力縱拔木寧衛身須臾血染

野草赤毛髮散亂披埃塵笑他長大受犬制所遇非  
敵空絕倫最後三虎一瞬斃腐鼠孤雛寧足計藜藿  
不採漫稱雄鳥雀驚呼誰作衛眼光落地乙字消喙  
噤無聲况狂噬拉斑厄吭笑談間戮暴除殘功不細  
我

皇神武古所無手殲巨猾如摧枯幾覩天狼殫長矢  
曾此毛族尤區區才非用物奇寧畜罪在傷人小亦  
誅漫詡長楊工獻賦且從靈囿詠騶虞

讀平臺紀畧一百韻

履端親王永琰

龍門扶風不可作後代史才嗟落落欲憑稗野表傳  
聞須仿春秋公筆削鹿洲山人藍鼎元辛苦當年在  
戎幕眼看決勝靖妖氛恢復臺灣畱紀畧地踰滄海  
通紅毛鄭家昔日稱酋豪襲取一時作巢穴聲討萬  
隊煩弓力小醜豈能常割據彈丸早識不堅牢廓清  
島嶼入圖版誕敷文教安波濤厥後承平厯年久地  
方官長疏防守慣將卧鼓習恬嬉遑念飲冰恣攫取

釀成變亂誤封疆辜負腰懸印如斗奸徒窺伺已多  
時紛紛黨羽連林藪笑他喂鴨本無奇羅漢門前夜  
豎旗崑岡未炎詎難滅蔓草不翦偏易滋可歎庸才  
枉爲將畏賊首鼠空癡肥五里十里頻左次逗留縱  
賊遺軍資況逢南路亦騷動往來私約爭推擁重因  
殺掠任土番遠近邨墟齊惴恐浮言聳動惑愚氓以  
罇授人誰作俑赤山鋒接遠遁歸喪師失地嗟旋踵  
警報誼譁到郡城郡中文武咸相驚豈無樓櫓堪守



死卻遣妻子先逃生商民奔竄各下舶士卒散亂爭  
歸營賴得水師稍奮決竿津林畔賊骸橫何期兵抵  
春牛埔親移兇頑生內侮歐陽不備刀斷頭許雲無  
援血染土馬蹶崇功早化虹案翻茂吉空如虎偏裨  
效死寧乏人強半執冰離部伍此時郡治勢轉單更  
稀烽火報平安先聲已奪無堅壘上策惟聞走達官  
戈船雖在誰能用府庫徒存適飽奸爭向內洋求苟  
活鹿門回首空巘岼一貴君英先後至分掠金銀爭

坐位旋開赤嵌取軍裝遂著黃袍學優戲公然僭號  
擬羅平豕突鳴張都不忌北路孤懸勢莫支千里膏  
腴瞬息棄擾擾紅巾與綠林游魚那解命懸鬻廣陌  
騎牛忽被甲高臺伐鼓還鳴金沐猴雖復襲冠帶自  
相啖食寧同心極知泡影須臾事壺嶠何辭暫陸沈  
可憐抗賊劉得紫引領受刃頻求死獨將忠義責凶  
頑收葬孤魂心事已與食弗食言弗言旬日枯腸惟  
飲水從容勉聽諸生謀專待

王師乘間起倉皇最是走澎湖廈門在望羣爭趨登  
舟哀聲沸海水獨有林亮真丈夫驅回家奴誓報國  
口假將令先傳呼要害保全鍛賊勢扼吭拊背洵良  
圖天潢毓秀曰滿保開府多年臨閩嶠尋常聚米慣  
籌邊根本咽喉皆了了彈壓三軍便指揮撫安萬姓  
祛煩擾糴米先教足糗糧募兵兼欲安宵小長驅憑  
仗超羣材元戎號令馳風雷鼓笳聒耳蛟龍伏舳艫  
銜尾颿檣開足信老成爲時出二三豪俊從天來世

標廷珍將門種並聽節制無遲回  
萑蒲漫爾稱雄長  
蜂屯蟻雜分支黨乍看形勢似連雞  
併吞倏忽成孤  
掌堂堂橫海下將軍誰許歸墟容罔象  
祭江鄭重誓  
雄師意氣臨風尤慨慷制府謀深出萬全  
軍興那復  
惜金錢敗弁追誅期後效義商給直願供船  
伏莽早  
將消息露遺黎仍爲齎從憐共說摧鋒由外閫  
寧知  
制勝在中權海神助順靈濤佐萬斛龍驤安穩過  
鹿  
耳烟花壁壘空鯢身波靜鯨鯢挫門戶先隳守禦難

腹心直擣聲威播壺漿迎導入安平二險居然一朝  
破雷轟電擊遶雲涯賊艦燒殘逐浪花烏龍旗倒牛  
車碎緣岸交撐骨似麻與突必須全力赴沈舟破釜  
真忘家部分八隊一敵百鋒無前對誰留遮守計已  
窮歸路斷料敵如神操勝算偃旗露刃待劫營果爾  
功成當夜半根株遂拔枝葉披狡兔窟迷驚雉竄行  
屍縱許得遊魂天意從茲方厭亂

聖皇宵旰厯深宮海外情形咫尺中事恐激成猶曲

赦罪容悔改且紆攻網開本冀與更始螳拒何緣仍  
怙終直從土宇收三日始奉

天書下九重沒水藏山不可宥獸困泥中遑敢鬪雲  
羅潛布溝尾莊大憖生擒首旋授屬縣餘兇次第除  
或勦或撫均孳鐸捷書來上

未央宮高材疾足先馳奏浹旬兵燹已堪傷風雨通  
宵帶火光水立樓船全破碎樹拔瓦桷俱飛揚殘喘  
方蘇還邁此

天心仁愛悲羸虺少府精鏐充比屋熙熙海國回春  
陽賞竣還須罰有罪剖臬始禍警貪狼監司守令擇  
賢良更遣繡衣勵風采地大物衆苦鞭長量增營汛  
添官宰外藩內社互維持未雨綢繆功正倍滄溟從  
此慶恬波鹿洲帷幔良謀多嬾將名姓厠勛籍閒揮  
華墨同饒歌辦賊韜鈴元自擅救時經濟誰能過是  
編他日取徵信朱鳶銅柱爭嵯峨我從蔡侯借將讀  
八陣五花如在目么磨信是井底蛙腥腐終爲几上

肉長風萬里入襟懷  
碩畫千秋留簡牘  
力挽天河淨洗兵  
海堧世食無疆福

土爾扈特全部投誠恭紀二十八韻

履端親王永城

德威遠播流沙外  
異域歸心爭歛塞  
瞻雲久仰帝含容  
向日均叨

天覆蓋土爾扈特處邊隅  
坐井多年空自大  
強鄰苦有俄羅斯  
質子徵兵恣戕害  
狼貪羊很久難堪  
乘間



潛蹤踰險隘戶口攜來九萬羸請將全部餘生句就  
中舍楞本叛人曾犯師顏殊狡獪公然伎倆逞么磨  
偶爾兵家分勝敗到今窘急被饑驅失路倉皇方罪  
悔成湯網幸三面開夏桀犬容一時吠伊犁擇地俾  
安居

優賜牛羊徧耆艾頓看羶毳襲衣冠遂作屏藩盟礪  
帶衛足常期心似葵得食都教面無菜笑他右臂斷  
分明憫此衷腸知向背

綸音飛下渙汗如次第星郵安館解春風護入玉門  
關正值

龍旌巡鹿砦幔城卓午集千官帳殿高秋停萬籟  
九五親臨喜受降

玉案前頭泥首拜今日方知

天子尊近

光自是平生快

賜茶一一沃金盞捧堅昆凝沆瀣圍中獮禮荷仰

觀按轡腰鞬咫尺對推心置腹示無嫌

聖意寬明了不介徹圍列坐聽鈞天愷樂重陽佳節  
屈行看指日返山莊重啟

天厨大宴賚百戲魚龍萬樹園此地遠人頻勞徠茅  
分土錫游牧便歸修職貢圖王會

熙朝侵叛固無赦

元化生成終有賴準夷從此盡包羅世享昇平億萬

載

南海子行

履端親王永城

君不見飛放之泊傳自元百六十里周繚垣紅門西  
闢通苑路苑中極目皆平原畧無高山有流水長林  
迤邐豐草繁頭驚詐馬有餘暇于焉較獵懸鵠狙勝  
地一從歸勝國仁虞舊院無人識埽除榛莽撥禁軍  
曾記英公親奉敕官衙忽被闔寺專豹房尙指荒邨  
側太阿旁落國步艱遑問區區此疆域我

朝龍興天下歸千里和會尊邦畿廢苑從茲作靈囿

豫遊

幾暇揚鸞旗雲閒八陣時  
閱武風捲三驅大合圍  
慙慙習勞奉

家法扈從棣萼欣交輝  
百年海戶千人守七十二橋  
通澤藪三臺連峙三海深  
指點團河近雙柳新池飲  
鹿閒萃蒿舊址晾鷹存  
培塿官莊分設四五家  
歲納芻茭別無取  
頗見道觀雜僧廬  
靈風梵雨來空虛  
酒肉茅山失法派  
瞿曇種類尤紛如  
膏腴寬敞便飛走

大壑於牴還多魚雨露栽培經歲月離宮鼎足皆

皇居詰戎大事首馬政雁臣貢入龍媒盛六廐超遙  
人駿蹏監牧攻駒嚴禁令何須苜蓿與渥洼甘草如  
飴水如鏡雲錦照眼勝谷量土壤宜之順其性圍場  
習獵凡幾回黑頭頓覺青春催伯仲當初我最少全  
日俄攜諸季來更憐子姪並壯大短衣晨夕相追陪  
彎弓敢辭臂力輒棖觸舊况增清哀况復從遊懷杖  
履自別音塵幾彈指人間屢歎絮酒傾天上頻嗟玉

樓起賞花得句能幾春也復傷神判生死者番經幄  
集羣賢只有蔡侯還到此臨風無限古今情天開陸  
海依

神京長楊熊館詎足擬馳騁信足豪生平誼笑未終  
感慨集鶯啼燕語兼蛙鳴轉眼清和賦歸去挑燈且  
快揮毫成

池亭春曉

履端親王永城

四時景最三春好池上芳亭破清曉和風解凍坼堅

冰碧玉成環宛相遶方塘半畝漾漣漪孤立中間影  
欹倒豈無小艇繫闌干自有短橋牽荇藻鱗鱗夾岸  
蘸綠楊拍拍中流浴白鳥煙水何曾隔十洲神仙寧  
必尋三島悠然人外謝塵囂率爾詩成暢懷抱我來  
此地每忘歸欸乃還嫌數聲少

題畫鷹用杜工部王兵馬使二角鷹韻

履端親王永城

寒松突兀石崿從天風斜折滄海洶枝頭雪東鷹正



饑層巖複壑關飛動勢若脫韝纔掣臂擇肉深心藏  
猛氣一落振將千葉墜側睨驚禽早投地從知小試  
正堪惜老拳未下任辟易何當凌霄奮羽翮縱有鵬  
雛寧敢敵卻思侍獵興安西解條振翅超霜隲箭穿  
蒼鶚殪青猊攜以放之功與齊橫空硬語張吾軍欲  
追剽犖騰煙雲徐看不怕飽颺去高齋畱伴鸞鳳羣  
是耶非耶誰與分

恭和

御製喀什噶爾回衆投誠詩以紀事元韻

榮純親王永琪

西蕃不逐水草營頗知設險爲堅城負嵎坐此敢自  
大恃强者斃終有徵前年

主師埽大幕不遺一矢折一兵何物么磨反乎覆蠆  
臂怒舉蛟雷騰移師未幾庫車碎膽落鋌走無時寧  
前軍攻腹後攻背戈鋌星耀甲組縈逆酋意沮旋面  
目望氣不敢求輸誠委棄輜重自跳去厥衆遮道陳

其情軍門納降馳驛奏

詔下捷若風雨行殲渠赦從示無外肯辜擔酒牽餽  
迎喀什噶爾戶數萬如子弟之從父兄初迷不知今  
大覺首鼠爭及沙蟲生降人爲導分兩翼銜枚肅肅  
無班聲相機審勢

聖主斷有進無退將軍能連雞就烹在指顧六月于  
役無停征堅昆早聞碧盃獻大宛復見豸黃乘從此  
戎功報龜定

宵旰庶解憂懷  
仁者無敵理不易  
高明永奠鼇柱  
撐天山歌起入  
鐃吹紅旗霍閃  
來相仍龍沙萬  
里閒  
戍守邊笳落日  
靜可聽  
塞弓囊矢並脫  
劍中夜不必  
防遊偵大開

明堂朝玉帛文德武功同告成

巴顏溝大獵歌

質莊親王永琿

熙朝重經武中外咸欽風  
包荒隄阨塞秋獮頻年同  
蕃王欵關獻駉脫隄皋延  
袤豐草豐蘭中磐桓亘千

里巖巒峭崿風雲通入柵遙流分九派阻險全憑崖  
口隘駝鈴牛鐸武剛車侵曉喧阗屯卡外數程六日  
至巴顏巴顏鄂落千峯環遮羅百獸富媪力不數鹿  
麇狐貉熊羆斑五更千二百騎投深山撒圍寧憚嚴  
霜寒此皆曠騎一敵萬四十九旗選徒各各從戎鞍  
幔城望見傳聲至左右青旗齊縱轡周陸四面密於  
茶朱縞凌風動幡幟旋拱中央大纛黃雨旆八部如  
鱗萃我

皇親乘玉腕驕豫遣前驅三十騎伏飛較射分兩行  
天弧初發諸臣次鼓薄披蒙籠列岫迷青翠風毛雨  
血灑平蕪遺走伏飛盡羅致僊倏摧剛中疊雙鐐錫  
稽首頰再四炮炙頻將炬火然圖經默以峰巒誌隱  
隱周廬透旭光他他籍籍陳廣場寒烟宋厯幕灌莽  
野花爛漫開芬芳和門大啟誇宴設葡萄石榴行羽  
觴控弦虎士醉酣潯羶裘燕譽同來王上殺爭馱次  
第獻選將甘旨供

皇清詩經卷之二  
蘭膳分嘗下逮及羣僚禁鬱分攜拂廬徧車攻吉日  
著陳編賡颺隨

輦多時彥短衣匹馬學從軍鳴盛無能愧且羨

恭和

御製玉鏤八駿歌元韻

儀親王永璇

祖武載續欽我

皇馬政職在車駕耶乃有

上駟內苑長海子六廐洵調良

天子之馬非尋常秋冬入貢黃絲韁

錫名甘駿游禁閭齒列前後皆上襄就中分選八駿  
臧鏤形以玉微勞償寵冠萬吉日驪驪有騮闕虎神  
龍祥流火朝覲日在房大獬盡發百獸藏復有霹靂  
齊奮驤儵忽赤花追白狼急則電掣徐風翔其前畫  
骨何昂昂調馭佶閑儀鳳皇馳騁如意批麇麇太乙  
下貺騮與驄叶一蹴千里驤尾張乘彼錦雲獅子床  
徠此寶吉西極康後之濟美斯綴行八馬固足驚九



方和闕厥產琅玕英叶玉人雕琢窮形相養以甘露  
食我場遐哉汝壽方未央

嘉汝展力永弗忘妙繪何數江都王上稽穆滿從獸  
荒元圃耽樂誠若狂騶虞爲節曾不覺我

朝行狩

令典彰比馬于玉德適當乘黃茲白徒徊徨以彼視  
此應慨慷

恭和

御製觀民元韻

儀親王永璇

觀民民已霑

醲化念汝春耕及秋稼扶犁早趁積雪消送饁遠道  
交塍亞膽黃蠟免徧閭閻吏鞠脰道傍迂實心固  
不外乎廉慎爾捫心問清夜

渡句驪河

成親王永琨

句驪之河河水古貞觀萬馬飲馬渡淤泥塞道軍食  
土行人欲尋失故處何況司馬懿與公孫淵一勝一

敗千餘年蕭蕭野岸水無言西流繞出鄧子村遼西  
河之右遼東河之左太平疆界無彼我河左遼之東  
河右遼之西年年入貢高句驪

題趙文敏公遊行士女圖 成親王永理

上京風物承平朝君臣暇豫歡遊遨兩宮獻壽開樓  
殿錦絨鉤簾樓閣高天魔之舞十六輩酥燈澹影垂  
飛髻舞罷仍留只孫宴阿刺曲動雲迢迢灤河六月  
涼如水況是秋天天沆寥都人士女亦行樂三三五

五出近郊絳納團衫窄合袖騰花散繭相翩飄湘妃  
寶馬更超忽碧烟白露光陰交花含蕊亂興未極纖  
纖素手攀寒條池臺鐘鼓動無數桑哥意得東南搖  
趙家王孫拭素絹筆追周昉窮纖毫若寫臨安歌舞  
地披圖我視如離騷

題五代李贊華番部行程圖

成親王永理

陰山草木秋荒荒枝乾葉脫天嚴霜番王大獵陰山

北獵罷行程山水長支撐番帳作宿頓納寶之地收  
圍塲轅條轡縷盡脫卸席地乳湏傳杯觴檐子窩中  
翠鬟侍鵲絃鐵撥彈官商地椒紫菊燦如錦天魔踏  
舞何郎當鑼鍋黃鼠美滋味後烹橘綠迭角羊蘭筋  
萬匹都結尾蒼鷹在韉盧在韉人物精工彩色古誰  
其作者東丹王東丹契丹之介弟名號已侈稱人皇  
楚比秦鍼作羈客李詩瑣高內投唐射鹿之圖久傳  
世此圖亦經內府藏千秋名畫不易見令人更想胡

范陽

恭和

御製題密勒塔山玉大禹治水圖元韻

定親王綿恩

伊昔大禹親胼胝隨刊鉅功實創始溯自冀州迄雍  
州曰綱維是推行是北條決滂導西傾熊耳外方至  
陪尾獨於雍界著崑崙派引沙陲寓微旨後儒釋經  
至積石謂卽洪源失載記青海而外未拓疆葱嶺于

闐訝斯語何來物產數璠璣西土之人其逖矣乃者  
勞來安輯之輸誠納貢致珍美密勒塔山虹氣流下  
注蒲昌稍東迤茲山採玉殊水撈往往呈材森列施  
河源盡處所獻琛卽誌妣王治河水瓊姿高峙七尺  
強藝苑旁搜一圖擬勞勞櫛沐緬前修落落丹青數  
餘子規撫粉本匠飭頻拂拭英光工告亶漚沿馬頰  
細琢剡勢激龍門大分醜決川濬畎恣偉觀絕華環  
嵩得洞視彌懷咨微一摩挲豈等譁囂漫淪毀運斤

千載非偶然刻楮三年徒費耳當時漢武歌宣房宛  
微揚旌萬餘里惜哉未考天池名博望之槎亦遽止  
再撫瑤華曲折尋慘淡經營技至此錫圭正值告蕝  
功象鼎亦占利出否

皇圖位置平不頗屹向

鴻宮長卓爾

扈從晾鷹臺觀殺虎歌

定親王綿恩

周陟十里接綠蕪禽紛獸藉爭藏遁何物磨牙厲鋒



頴

帝命猛士殲其渠高臺縹緲

龍旂下鐵騎風馳汗流赭彪文一吼洞長鋌殺氣秋  
聲肅原野春蒐令典古所傳况乃服不稽周官大定  
萬方欽

聖武長楊翻笑空遊觀

恭和

御製

昭陵石馬歌元韻

榮郡王綽億

武功旣定

文治昌周初馬姑華山陽

文皇開基戰百勝

珠阜寫生兩驢驢疑是天馬來西極浮雲赤電逾九  
良貞觀六驥趙霖畫騰霜皎雪何飛揚中有帶箭而  
馳者較之二白北神驤塔山疾馳僅六日凌河再戰  
威逾彰緬懷

勦業誠不易

彩仗低徊

陵道傍

神謀偉畧邁千古  
堅弓利矢皆尊藏  
兩馬屹然肖形立  
全體曾無小衄傷  
漫歌大風思壯士  
功成汗血猶難忘  
在天定隨飛龍化  
何異行地占無疆  
馳驅物且知宣力

宸翰昭垂敢不獲

恭和

御製雨獵元韻

宗室良誠

雲陰四幕光油油雨脚如線隨雲頭行圍豈復避沾  
濕箕張兩翼馳雙旂江河爲陸泰山櫓星流霆擊供  
巡遊螺峯疊疊鬱深翠羊腸漈漈添新流亂石犖确  
鳥道滑重巖閭澹丹楓稠欬飛獻技奮奇勇力強心  
敏手更柔陰森叢樾不知午林中嘯嘯聞鳴鹿雲猶  
雨蓋各飄拂金鈴雪爪皆殊尤潮奔壑赴遍山谷朝

宗直欲輕陽侯况當秋雨正濛密郊原颯灑  
皇情留卽事詩成邁往蹟車攻寧數岐陽蒐

皇清文頴續編卷七十

詩

七言古詩

平定金川歌

嵇璜

帝有九有提乾綱聲靈赫濯覃要荒戊巳都護若西  
域益州贊普馴番羌維番依山累石室仇池樓櫓盤  
羊腸蔚宗立傳紀不得高宗三年之鬼方憑深阻峭  
各種落崆峒石門遠且障金川釁與小者搆嗟爾醜

類何跳跟小金川苦告邊吏

聖人得不揮戈鑲我師其西卽爾壁我任我輦車牛  
糧我糧我師歲復歲醜亦嶠負仍巢藏

帝心焦勞審厥罪初六不律占否臧赫斯怒矣篤我  
祐

曰咨相恒汝忠良

臨軒授鉞汝其往讎則有詩餞有觴銳師六千闕虢  
虎羆武古通咸在行賞罰用命不用命惟汝同德國

以匡恒拜稽首曰祇若

天子床命敢對揚時維仲冬十一月疾馳秦隴經冰  
霜方叔旂旐吹央央召虎江漢流湯湯桃關曉衝片  
片雪天射山步步高岡嘗吐調藥予挾纊作糜取薪  
行擔囊衆整戎肅秉

廟畧小金川入雄趙趙賊之耳目良爾吉謬效職役  
奸而佯我軍之情洩與賊番婦表裏爲昏狂親數其  
罪戮以徇羣番風聽驚奔忙大營伐鼓泣卡撒申令



禁旅驅洋洋鉤援臨衝悉所向堅礪石破聲雷礪立  
時飛礮下昔嶺接日摩壘無巴郎已布雲師復鳥陣  
敢肆鋒蝟與斧塘望風稽顙再三請未許肉袒迎牽  
羊燎毛底事烈火熾卷籜奚待衝廳涼彼先服心次  
服力遂左拔角右扼吭觸機落奔計無出搗巢掃穴  
期方將如天好生

皇帝德明見萬里敷春陽羽書勤省五夜達阿柄獨  
握諸臣囊

慈寧不問外朝事關心爲恤邊氓瘡

敬承

懿旨

睿謨合藹然和氣

宮庭翔納降班師進恒爵酬庸懷遠惟民康

詔書尺一沛雨露番土草木回寒僵其時其酉遵我  
約迎我虎將壺盈漿入其勒丕挈之出莎羅奔老狼  
卡長除道築壇相臣泣鳴螺膜拜齊焚香使金如粟

却不受長生鑄像諸葛傍今如孟獲讐銅鼓昔非夜  
郎踞竹王願隨楛矢貢肅慎亦偕白雉朝越裳從而  
征之嬾軒武待以不死軼漢光星馳露布九日奏一  
矢豈不銷天狼羣臣表賀

皇帝受東風凱入開明堂國人喜迎相臣至袞衣卷  
然豹尾槍宴成論賞

恩光溥解鞍萬馬嬉垂楊出禱蚩尤於大纛入銘司  
勲之太常上

陵告功孝惟孝星輝雲郁福簡穰惟

謙受益却

尊號遠跨兩宋踰三唐特進

徽稱壽

文母錫類四寓同嘉祥蜀人宵眠野無警以長兒女  
以耕桑番人熙熙率其業相告鄰里無搶攘仁義之  
劍道德胄宰制六台承

天慶鐫功勒成

聖有作照萬萬古垂文章虞典周詩並陶鑄韓碑柳  
雅豈頡頏

聖祖沙漠畫親定

世宗青海風遐昌續緒詒翼欽我

皇用編方畧傳無疆形容

至治大手筆以配吉甫非臣瑱

平定金川詩

謹序

劉星煒

臣聞蘿圖席瑞康回消九嬰之沴昆臺闔塞濁

野服三竿之罰夏后鈎臺之上有扈請庭成湯  
祝網之前漢陰來享非夫白狼丹犬志規荒徼  
窳木方竹意圖遠畧可同語矣

皇上軒衡常朗虞千不試驗風受吏已合千八百國  
重譯納賚無假五十一征蠹茲金酋驚令遺種  
廩君餘孽南越雄長屬國被躡三危險遠七旬  
頓戟

皇上特簡元臣裒集虎旅彈羽天降鋒車電馳徵側

斧吭管敢授首戈鋌其巖阻梯衝歷其崇岡  
遊魂假氣晷刻而已困獸罷鬪終干炎火之威  
饑鳥向人未遂析骸之請

皇上道在定功義均不殺且以斧螳鋒蝟不煩秉鉞  
有虔井湮木刊非復止戈爲武

命相納降有

詔徹衛是使赦過宥罪雷雨之澤自

天招懷遠弧矢之威萬里桐花春轉蜀道軍回班

馬嘶風征人息鼓淮蔡既定裴度告功獫狁于  
襄召虎錫命禮也從此桃關解甲永藏黃鳥之  
旗昔嶺清塵長鎮燕然之石

臣

謹拜手稽首而

作歌曰

皇武烜赫羲軒農威轢八極驅六龍象寄鞬譯咸服  
從

明堂朝會鏗華鐘西南絕徼荒服重印竹蒟醬輸焚  
寶峻坂截業萬壑壅雄虺九首巨目縱諸賤不得安



邊封蔓之不圖寧養癰鍛乃礪乃膺其胸高牙枝戟  
徒縱鎡螳臂乃敢稽

天鋒

帝咨於度時爾庸

賜以節斧酬瑤鍾羽林千里馳雲衝儵忽凌控飛丰  
茸繩橋竿索懸瀧淙虎騎騰蹕森不邁殛罪行伐臣  
能恭渠魁仰肱心驚怙鬼蜮倚伏紛距蚤汝張汝鼓  
誰發蹤妖腰搃斧喉戈春招搖大纛尸奸兇旌髻旄

磨披蒙龍鉤援十二排臨衝銅丸倒瀉掣電睨金鎖  
夜落崔嵬峯顛顛首鳴伊離凋門踞伏如緣橦惕  
息欲用逃戈殫相臣孔武磨長幢更蒐漏蟻芟辛蜂  
皇帝大澤春溶溶無雷日出胥帡容

天戈乃忍戕蝟蚣番酋厥角虔給龔前導虎旅周殫  
磨壺漿夾道陳鮮醲弗厥豐草芟苗松長組繫頸被  
襴裕銀鏤香象羅球共相臣宣

詔赦鞠凶班蘭檠面舞且楚鳥語格磔魚鯨喁

聖澤沾臧甦溫禺邊城夜偃青狼烽錦江玉壘嬉耕  
備山夔岡兩行不逢於鑠

皇旅定笮邛師旋二月來三冬手不缺折幾折嚴同  
人九四乘其墉饒歌鼓吹鳴笙鏞

冊功凱宴湛露濃星罕豹尾弓朱彤更敵寶鼎陳黃  
琮

堯典舜典勒壁雍尺天寸地俱朝宗

趙北口水圍詩

方觀承

大隄如牆澤深塹十二長虹夾青甸西瀝東澗天所  
營趙北燕南地誰判叶排引清濁涵日月派別渾濡  
陂郡縣敬憶

仁皇水獵年塗黃爲習舟師便穿雄掠霸走魚龍噴  
雷啟蟄冰開堰篙師紀獵日有程二十五淀程西淀  
燔火須盈十朝獲髓翠自足千夫膳叢蒲攢蔣託靈  
滋坻沼畦瀛添結撰至今綠字摹穹碑猶有形雲護  
行殿畿民望

幸三十載

時巡法

祖昭乾健香臺界嶺削清寒回首

鑾音下天半叶直教平地湧方壺爲愛晴波開淨練

珠宮貝闕葺仙居環望檣烏迴幕燕憶循水牒溯輕

舸每訝沮洳久形變逢秋滌藪岸拍蘆截港筍泥人

種澱千靈護野海童來遂使崑崙愜游行翔舸天上

擁鯨鼉快槳風前排鷺鴈叶晨曦照浦宿霧揭

黃蓋一川光滿，福旗門兩兩。乍若失羣，具團團互相  
援。令嚴圍合，波不驚。詫避潛鱗，鳥目眩。鵝鷺鵝鷺，  
駕鳧不計其數。百千萬誰其驅之？四面至河伯陽侯  
相後先。遠舟如鳥，鳥蔽舟。黑雲盤空，波激灩風。頽氣  
急散，復合。高墜礮光，低帶箭衛。士無聲，但催艣  
御衣不罪飛流。濺潮騰衆馬步止，齊檝捷長龍。左右  
旋

皇情暢矣

命收禽

五字詩成呼筆硯水村漁父臨頒彬

神武三朝歡再見虞旌繼發

詔減圍卵育春深網開面白洋三宿擢蓮花禮典初

修戒酣牒青旗北度指桑乾更尋禹畫

勤猷念騶虞化合玉呈圖象漢屏畿永清晏

平定準噶爾詩

錢維城

我

皇神武揚天戈

祖謨

宗烈心所荷有準噶爾天西涯恃遠倔彊搆犬牙

聖祖三駕天龍拏

世宗命將金鑊鈺一面旋解彌天罝夜郎自大恣驕

誇天醜厥德降旤胎叶封狼生羆蛟產蛇策凌孽子

龜茲羸同室縱虎如刈麻達瓦齊來執其柯賊上虐

下無誰何衆部乞命來奔波款關萬戶爭曳拖



皇咨汝人逢百罹

叶

率汝妻子來荒遐子安戢汝無

偏頗宴之熱河酣以醢咸

賜酋長佩綬綢得見

天子歡咿啞

皇帝神斷程罪科禱于

三陵上嵯峨西醜不道不可赦

叶

命將軍往祛凶邪降者導師萬騶驂馳乎絕漠行康

途

叶

雷霆迅掃開明霞西北兩軍擲飛梭將軍奉

詔咸宣播。武夫負之驅。岐蛇重譯臨。聽辭無訛咸  
曰。

皇帝除魑魔。拯我疾苦。示撫摩。我人往順。開軍衙。長  
纓大羽。雙鞬韞韞。慎勿驚駭。相喧譁。

王師直入。如乘槎。高旛招搖。刃不磨。超烏梁海。雪若  
嵯峨。爾丹部來婆娑。或獻玉漿。碧瑳瑳。五集賽大人。  
民賒望阿爾泰山。杈枒東西萬里天。風過師行所在。  
無頃俄。遂搗伊犁軍。于河諸部。台吉請執。燭宰桑膝。

行手把抄願以兵屬明無他或耕于田停耰耒持饁  
餉士斟樽汗牲者獻獸于山坡扶杖之老垂髮皤兒  
童粲齒婦髻丫來觀忭舞咸傴僂格根阻淖依陂陀  
紛紛此聚負殼蝸一夫突前呼吧呀彼醜萬人徒口  
呿無復螳臂當輕車賊乃迫窘逃網羅爰爰籠兔犇  
麇麇狃部酋長聽指訶生擒顛倒施紐枷籍其種落  
踰流沙自西極所皆版圖

叶

大捷露布聞

京都

叶

帝格

太室薦象犧曰

祖考志其敢陞上告長白

列祖家

皇子承

命潔鼎盃大甲在櫝箭在韋遠矣武功列名騶乃卜

兩郊從義娥各山大川靈嘯呵海以南北山岱華功

成上號不自多曰

皇太后受福那德廣朔易周南詵受諏吉日

純禧加

帝御正殿翔金鵝羣臣入賀鏘玉儺禮成鳳吐五色

葩天門下

詔詔天下

叶

大澤三十咸吟哦越以俘獻祉是宜

叶

帝登午門陳太阿鈞天闐闐開闐闐金饒法鼓轟軍

鑼樂奏大管間小觥牽頸誅宥惟

帝施叶渠魁授首行來斯叶萬國蹈舞容委佗妖氛

四靖天清和

帝曰儆戒聖所嘉地天之泰勗平陂高于軒轅上重

華臣謹拜手陳詩歌

平定準噶爾詩謹序

劉墉

臣伏讀

聖祖仁皇帝親征漠北紀畧有云噶爾丹者如荒野  
之禽獸去來無定羅之非易攫之實難又伏讀

世宗憲皇帝御製文有云國家爲準噶爾跳梁不得  
已有用兵之舉自己酉以來將帥士伍枕戈負盾  
野宿風餐三載於茲矣朕每一厘念食不甘味寢  
不安席日與廷臣籌計軍需惟冀

上蒼默佑師旅早旋論功頒賞朕懷始釋

臣

伏思我

國家膺

天眷命式廓鴻圖赫濯聲靈古無倫比惟茲西北一

隅頑梗弗率屢煩撻伐之師時告藩籬之警徒

以地處遐荒道阻沙磧自非決機深入無由創  
而知畏而

帝德好生罔有內外非其腹敗支披不能保聚可以  
一招而至一戰而服則必不忍奮我兵威使絕  
域蒼生橫羅鋒鏑且當其未敝而克之勢必以  
大師相遇而後成功疲勞士馬耗斃帑藏非安  
民和衆豐財之義故我

聖祖仁皇帝三駕親征遂除首惡經六千里險遠之



地蕩數十年蟠固之寇而大兵往返纔九十九日而已至我

世宗憲皇帝御極之始西陲徹兵意在寧人相時而動雍正五年因噶爾丹策凌奏使來京

諭旨開示令將羅卜藏丹津送回以表恭順仰惟

聖心蓋以噶爾丹策凌之父已故伊果能執送逃叛之人則可因伊今日之恭順釋伊父收留不遣之罪令其自保境土永遠生聚猶是初年徹兵

之意至不得已而議征討爾時準噶爾人衆未  
遽離散必欲一舉蕩平勢難兵不血刃夫豈武  
節之未究抑亦將有待也今者

聖武光昭六師奮發因其降人用爲前驅所向歸服  
歡迎恐後遂直抵伊犁收其部衆逆豎達瓦齊  
脫身逃竄爲我偏師尾追邀遮先行曉示所往  
回部皆懷

德畏威誘執達瓦齊以獻而羅卜藏丹津前已窮蹙

歸命奏捷凱旋弗稽時日

盛典以次舉行

大澤因之疊沛自古用兵克捷未有如此之速者也

耆定厥功未有如此之大者也

臣

伏念我

皇上御極以來海宇昇平人民和樂而

寅畏兢業之衷明作有爲之氣視開創規模未或異

焉早作夜思惟以敬

天法

祖父安元元爲心初未有拓土開疆遠抗威稜之意  
而克詰戎兵繼承

前烈制勝之本卽在

宵旰憂勞不自暇逸之中至於命將出師剋期奏績  
聖謨尤度越前古莫可等量準噶爾部落僻在荒服  
出沒不常難以喻度卽初次投降人衆未遽如  
兵出之後絡驛而來坐見瓦解之勢也是以始

議用兵任事之臣或至胸懷猶豫幾失事機非

常之原豈獨黎民懼焉而我

皇上心與

天通默操勝算優待來者以勸其後內決師期不後  
不先闔外師武一稟

指授萬里之外如在目前遂奏膚功一勞永逸以視

殷宗三年周王六月不啻過之矣

臣

又聞之古

者興師十萬日費千金後世一切之術權宜濟  
事外患雖除民力已屈史策所載無或不然我

皇上念切民生發粟蠲免之令無歲無之和氣薰蒸  
盈寧有象且

國家幅員既長蒙古諸部爲我外垣百年以來土  
庶不識兵革休養生息民氣充裕卜式之助軍  
千秋之自奮不令而從者固宜人有同心而征  
行所需一出大農商民樂輸却而弗許固由全  
盛之運國富兵強不難籌畫然而愛民如子之  
心邦本永固之計胥於是乎在

臣又聞料敵制

勝患在叵測語及受降動色相戒此古雄畧之  
君智勇之將時或不免阿睦爾撒納等相繼來  
歸各擁人衆當逆酋未遁之先誠僞詎易懸揣  
而我

皇上臨以恩威撫以誠信能使瞻仰

天顏欣悚交集凡所以左右之者動合機宜無遠弗  
照是以爭先效命不避艱險將軍以下坐收指  
臂之用不遺一鏃而首惡就擒自非

聰明睿知神武不殺者其孰能與於此此一舉也上  
慰

列聖之心下答臣民之望外拯蕃部奪攘之難內息  
邊徼防戍之勞用武之道美矣備矣臣又思之  
大聖人之所作爲有不僅利在一時而且施及萬世  
者我

國家奄有九有蒙古率先歸附自準噶爾不歸王  
化諸部被其驚擾今者廓清萬里野無遺寇長



享安樂上下蒙福安蒙古益所以安內地也羅

卜藏丹津受

聖祖覆載深恩不思報効乃敢煽誘番回觸藩當轍  
敗不卽死遠迹逃竄使得終其天年不就俘獲  
則逆惡之萌安所懲創今者械送京師經由屬  
國殊方異域咸知海隅之驅雖遠莫遁象刑惟  
明此其大矣夫承平日久將相恬嬉徒聞練卒  
之勤不試殺敵之事遇有征行常虞蹉跌此前

代中葉以後所由弱也今者調發勁旅自東徂  
西遠歷山川深探窟穴大帥以下或閎閎世臣  
生長華廕未習勞勦俾得置身朔漠之區經心  
軍旅之務下逮行伍之士振厲而往鼓舞而歸  
忘于役之憂識從軍之樂以視終老牖下不逢  
旗鼓者勇怯強弱之形豈可同日語哉臣愚於  
此知我

國家景福無疆

天心純佑億萬年有道之基於茲益固而我

皇上神聖文武邁跡羲軒中外一家同申頌禱珥筆  
之臣愧弗能鋪張揚厲第以

教澤涵濡得有知識聞見可以窺測一二輒因詩歌  
之作而言其所能言者以獻

皇帝奉

天作君師天付所覆全治之萬類鼓舞朝陽曦一閭  
蠢爾迷不知厥族相戕安全希逆以得位忪而欲爭

爲雄長力不支離披判渙分途馳籲我尉候求安栖  
請以所部先雄師

皇帝清問矜而咨已來不受將安依稔惡而斃茲其  
幾握竒運筭風雷施兵行北道儼以西二月之吉春  
維熙出車大漠旂旗飛倒戈解甲來如歸投石超距  
千軍嬉萬鈞弩發閑神機踰彼絕險平非陂困獸思  
鬪張鱗而依山爲固前臨泥我軍從之揚旌麾厥徒  
猶萬希以睢票姚數騎前指揮八千磨至非繩縻亡

命而走從者稀遮山迥谷來窮追大荒之外天網恢  
軍聲所至誰挂指詭言牲酒救渴飢林中伏猛長纓  
羈僉云

皇帝兼威慈願朝

天闕瞻

天儀日月所照無偏遺廓清四表式九圍維昔逋竄  
相依毗經三十載天誅稽巢傾穴露搜躩踞後先俘  
獻投

金墀告于

廟

社功維時爲生爲殺

天施立四方來賀陳嘉辭禮官數典求書詩奉

皇太后頌純禧

皇帝盛德謙尊撝發祥肇迹

三陵魏

命皇子代申禋祠奉香嶽瀆奠蘭醑滌瑕蕩垢竿金

雞朝野舞抃歌恩私我

后發我恩無涯秋日懸光耀郊圻八轡鏘鏘路逶迤  
神皋無暑天所貽張筵行殿舉雲帷桓桓上公拜衮  
衣

天子萬壽進瑤卮乾符坤珍露端倪芝莖五色麥雙  
歧皇哉功德追軒羲鐫功勒成視豐碑

奎文麗漢旋瑤璣周情孔思深如斯聖躔非遠羹墻  
思將以來歲臨洙沂維南禹蹟念祇台洪河浩浩

聖所治允羣工請惠黔黎憶我

皇祖天明威三駕有赫聲靈垂六巡南國樹德滋我  
后繼述神武姿願歌樂只誦豈弟東西南朔職貢齊  
時邁其邦瞻

堯眉耄耄有醴童有飴

天錫純嘏慶

慈闈弼我億載丕丕基

聖駕再巡江浙詩

朱筠



皇帝再幸江之南

金根朝駕飛龍驂吳民七載仰

雲日春旂影動天光藍騏驎千里初蹕趙鳳凰五色  
行過鄴黃河北來勢欲折洪湖南滙波方酣

天子奠川比大禹神虬吐甲龜呈身清淮屈注力相  
敵石堤橫亘功能堪渡淮而揚望江渚玉山極目歆  
金嵐籟平練淨清景出水天萬里相吞含日輪晨涌  
浴火雀月華夜吐浮珠蚌淩江攬勝到吳會五湖如

鏡山如簪

龍光重臨覩濯濯虎氣久擾馴耽耽遂來浙江瞰巨  
麗海門雙闕赭與龕朝朝夕汐協威信東颶風順青  
雲曇卽今四海訖聲教坐見題耳來雕儻竒峰高摩  
翡翠蓋明湖晴漾玻瓈潭乃知天工足靈秀不用鑲  
琢宜清探迴帆金陵眺列代山祇踴躍驅螻虺淮徐  
清問布德澤欲令磽瘠皆濡涵發倉

賜粟巨萬萬所過董勸勤耕蠶還經魯國

詣闕里十年見聖今已三尊崇六經正風化發明至  
道凌迦明迺登岱宗秩五嶽時若暘雨咸清甘

皇帝臨照徧天下舉察郡國甄廉貪問民疾苦進耆  
耆免歲正供舒丁男嚴廊拜舞慶綬佩山林拔擢空  
樟相滌瑕宥罪渙大號普覆萬物敷

恩覃

九天照曜麗經緯十二聲振調黃函大哉

孝德備

尊養宮中深愛人和湛省方設教在觀我功與天地  
同兩參願陳玉檢垂萬世詠

神聖德心能諳

平定回部詩

程景伊

遼乎遐哉大荒之西天蒼茫徑數萬里何阻長高車  
之後曰回紇厥種聿有袁紇都播骨利之屬殊族別  
類難殫詳鴻荒以來不知幾萬載未與中國通梯航  
唐初始入王會列縻以官爵繪幣雄諸羌爾後葉護

每犯塞時復和親通市苟幸旦夕無披猖誰能長驅  
深入奮威燁殲渠掃穴摧橈槍祇疑天所限特令驕  
遐方孰知亘古未闢境乃俟智勇天錫之

主闡珍立極開康莊猗歟我

皇神聖膺寶籙璇樞在握恢宏綱文德誕敷四表格  
武功彪炳萬國匡赫如滄波日輪耀晶采灼如絳霄  
斗車森角芒地盡罔畏不可畫以坤輿之界域街通  
畢昴不可限以天漢之津梁自從伊犁旣蕩定準夷

全部背之所謂幕南幕北狼胥烏孫康居月氏諸境  
無不入販章左右大宛復臣僕東西勃律更享王蠶  
茲回首本在矜宥內憫其久錮放檻羊俾分所部各  
統衆實令沐膏浴澤涵休慶詎期獠犬輒反吠鷹飽  
乃遠颺黨惡旣煽叛徒炤肆逆更拒使者吭用申  
天討趣殄滅不爾何以鞭撻四裔馭八荒然而用兵  
絕微豈易事客主異勢難剔攘實恃

廟算具神畧決策制勝瞭視遐裔如戶堂憶昨庫車

未殪賊立易將帥飭進兵叶大軍所過盡辟易爭負  
弩矢迎壺漿屬當長征之馬力久憊狡賊伺釁乃伏  
隍桓桓我軍弗臆且益銳重圍血戰齊裹創直噓蜃  
氣結樓櫓更呼貔虎東隊行孤軍力拒數閱月寸鐵  
已盡各以空拳張續調勁旅適漸集

詔令速發援疆場經旬轉戰賊幟靡全軍遂出氣愈  
趨益以鐵騎倏馳突復令輸布易粟紆饋糧蓄銳勵  
勇俟再舉莫不跳丸投石曲踊距躍歡騰驥乃

授方畧趣采入徑探窟穴殲封狼分擣以掣首尾之  
連綴並進以撓捍禦之倉皇疾風振禍立見折洪爐  
燎毛那不煬逆酋氣懾果喙伏詎復能以螳臂當各  
攜妻孥棄城走我師整陣而入大受降租稅其民約  
法令郡縣厥地立制防復馳偏師躡奔軼兼檄別部  
索遁藏網有三面詎爲惡獸祝羅豈一目而聽窮鳥  
翔彼狡倖脫魄已褫方且依草附木思丐隣境收羸  
庭諸回各自保孰肯坐受池魚殃邀遮掠輜重拘執



縛繼韁二酋旣負重傷斃一酋旋致亂刃戕遂叩和  
門獻俘馘乃奏露布衅斧戕遠乎遐哉大荒之西天  
蒼茫彼茲永久奠保障遐考七十有二代此地獠狂  
睢呿各自雄長恣蠢狂是惟亥章之步或曾到博望  
定遠解消足趺終未履厥疆婆留漫誇轉鬪遠拓跋  
徒侈兼并強惟

皇聖武軼萬古僅以餘力遂蕩平川始事本欲不冒  
溥迨夫彼孽自作輒復摧枯拉朽無頓鉞曷逋弗獲

繫纓組屨逖弗收隸都鄣古所視爲日淵月窟昨猶  
不敢稍睥睨今但等諸螟巢蟻垤唾手早已除跳梁  
旣置官吏奉條約更順土俗興耕桑依然亭毒煦燠  
遊大化寧復異類相視彼不得蒙濊汪戎索益恢地  
軸盡

皇圖愈鞏天咫彰持盈方更

厘咨儆衣宵食旰逸不遑讓善

天

祖致寅畏承豫

宮寢增悅康策勲已錫殊賞渥行慶旋沛大澤灑足  
覘

睿慮動周浹寧倭盛事徒焜煌始知功烈之崇本乾  
惕用能底定絕域成金湯遼乎遐哉大荒之西天蒼  
茫億千萬禩

威德揚

平定回部詩

謝溶生

皇帝聖德彌八極

聰明睿智神武揚繼承

謨烈增式廓誅伐叛逆懷殊方  
緬惟伊犁初底定窮  
奇竇旋乘機狂獸聚鳥散紛雜  
沓羣疑衆惑多徬徨  
皇心獨斷謀厥始洞觀時勢籌  
巖廊策我猛將及勁  
旅諭彼台吉逮宰桑果然悔罪  
思自濯同心討賊輸  
誠將厥有東西布魯特左右哈  
薩克來王嚮慕鴻化  
皆赤子萬方丕冒均慈祥蠢爾  
和卓木兄弟準之俘

囚纍且僵我師戾止獲開釋復其所部無摧敗辜恩  
肆逆忝煽惑爲鬼爲蜮紛披猖赫然一怒雷霆震執  
言問罪殲強梁掄材

命將授韜畧師出以律懲不臧赳赳腹心千城侶罔  
不奮勇同袍寰周行三十六國外旋師畧地莫我當  
庫車城及沙雅爾阿蘇烏什和闐疆望風歸命恐不  
及紛紜夾道陳壺漿長驅橫掃壓其境賈我餘勇咸  
泱泱大哉

皇猷神妙算選兵調馬隔歲良兵旣如熊如羆虎馬  
復有驕騁援軍適與堅壁會萬羣驅及奮怒聊  
更念輓粟勞轉運懋遷不用裹餽糧彼竭我盈得勝  
算如轉圓石千仞岡擣虛披亢攻不備驚疑風鶴奔  
跟蹤會軍黑水氣萬倍振旅再入何堂堂勢蹙已危  
覆巢卵智昧敢肆當車螳惜我兵威遷狡窟挈其輜  
重走他鄉爰納葉爾奇木款爰受喀什噶爾降追奔  
逐北等破竹奉旗斬將如探囊襲之霍斯庫魯克阿

爾楚爾復大創拔達山方馳羽檄伊西洱已傳牙璋  
鹿奔固知無擇音魚爛那得不速亡奉函遂達鄂瞞  
首墮地已隕欃槍芒獵獵紅旗馳露布紛紛驛遞陳  
疏章畏威懷德奉琛賚稱臣服屬交梯航此皆

睿謨所豫策應機乘勢非輕嘗一舉拓地二萬里禹  
圖未得圉要荒

奇勲三五不經見罕之無論漢與唐旣闢疆宇計戶  
口爰定賦役蘇夷傷泉流九府示平準有無化居均

農商仍其冠帶不易俗流我愷悌德意彰懋典欣逢  
日長至式奉

慈豫延

天慶溥施大澤

丹詔煥濡染

鴻筆豐碑翔唱凱遙聞葱嶺外洗兵直自玉河旁旋  
軍郊勞恩施沛策勲飲至銘旂常憶昔準夷肆負固  
兩朝用武勤披攘以



聖繼

聖不遑暇遺厥丕緒待我

皇我

皇嗣服妙廣運遠謀長策恢

乾綱非常之原衆所懼管窺蠡測徒恇恇

至誠如神洵有道先

天弗違豈不獲中外一家均覆冒上下千古妙弛張  
智者不惑古所訓

仁人無敵志所詳威加都護所不及令行渠搜曾未  
央危疑益用昭宏晷變動愈以迪吉康小言荏荏昧  
顛末大猷秩秩籌久長及臻厥成若反掌恍然覺夢  
開愚惓

天祚

皇清錫之福惟

聖時憲答

吳蒼

勅幾更凜乾乾意功成讓善謙彌光

至德神謨萬載耀永凝

顯命璿圖昌

聖武平回詩

趙佑

皇帝御寓朝百辟鞭撻八荒歸衽席長戈一揮準夷  
平盡掃欃槍蕩無迹已見降王列宿衛迴看勞面從  
冠幘旃裘毳幕齊輻輳寶玉名駒爭絡繹東西布魯  
古大宛爾足何辭重百譯蠡爾花門大小醜本以虜

囚仰拯釋出之水火爲置君奄受墉壑因其伯孰忘  
翼殿敢跳踉狼果野心犬反咋

王赫斯怒爰整旅曰此么膺求自螫亟移北師更西  
討

特敕驃騎

賜神策指麾方畧悉

親授呼噏萬里全不隔森森羽旄倚天青轟轟矛鉞  
耀霜白伐駟千羣駛若飛靈鉦十丈光有爽火梯晝

躡雲冥冥藜磈宵騰震號號陣勢魚麗盛揚旛營盤  
鹿角紛攢戟或出分道或合圍或特其後或前搯蟲  
臂何當巨轂摧鼠膽猝被驚雷圻旋脫魚鉤曳尾逃  
仍潛蟻影含沙射遂窮所往疾掩羣直擣其巢不容  
隙投策平填青海壩摩旌橫抹陰山脊大城連拔隨  
風靡數節從看迎刃割更畧和闐踰黑水居然勞逸  
成主客枯鱗入釜行待烹困獸負嵎還妄辭漫塹深  
壕蒸土爲強收餘燼背城借是時雜種散復合是時

我兵一當百士喜量沙滿白杭天教拜并飛靈液遙  
承

廟算大濟師突見將軍勇斫柵訢合先機洵有神縱  
橫轉戰終無敵明年再飭六月車諸道競張四旆  
台吉宰桑各効忠都九率丕威褫魄成羣膜拜溢馬  
前一片降旛豎沙磧迺頒

恩諭許歸誠共沐矜全悔從逆異種蒲萄充遞馱新  
文錢貨換騰格倉黃一孽尚逃誅喘息餘魂獨安道

昔爲梟獍今狼狽人皆高厚我踣跡追亡掩及拔達  
山山中之俗尤荒僻向來經咒習顛蒙一旦聲靈通  
濯赫中原自古佛東西皈命從新

天咫尺爲我殲渠及次兇不遲函首到傳驛其餘一  
一就纓縻牲畜駢駢盡生獲西旅道通回部平六師  
凱奏

宸心懌時維南至虔禱燎壽上

慈寧祀松柏珥日晴熏雙闕紅非煙瑞靄重霄碧坐

開

明堂受朝賀大告武成獻俘馘奕奕

寢廟牲牛羊巍巍

壇社玉蒼赤我酒旣清肴旣馨爲豆孔庶俎孔碩郊  
勞策勲次第舉爾公爾侯慎無斃蓼蕭湛露彤弓詩  
酺宴維均

恩累積

鳳詔仍推錫類仁



龍樓載沛從天澤千官珪組晉新榮萬姓租庸寬舊  
額慮始圖終一以周膏濡到處優霽宸憶自伊犁策  
受降卽今庫車同屬籍軍無怨譴民不勞  
睿照皆如豫占筮文武恬熙狃固然

神明宵旰厪親畫爲持

乾斷整天綱遂建崇功破羣噴遠畧無非

祖武繩勤施競仰

德音貺威行二萬有餘里此事罕聞自開闢載施曾

傳受珙球攻車漫詡同帝鳥秦皇漢武矜封疆芝檢  
銀泥事鄒嶧班竇銘勲迹已侈甘陳矯制勞何益昌  
黎淮碑柳州雅地近功卑但擔撫倬彼雲漢天爲章  
典謨偉構垂貞石煌煌太學蟠蛟螭屹屹三碑麗室  
壁立政周官意在茲職方王會超自昔屯田何止說  
烏孫置郡還教跨張掖更測分星過漢槎平頒正朔  
連大食輿圖直盡天界西供衛不遠辰居北應有榮  
光出御河坐看寶甕浮南極吾

皇神武在自強

淵衷惕惕彌無射始知禁暴有深理肯以佳兵博音  
績稻鄉正熟田下上柳塞新開堠雙隻賡歌稽拜願  
萬年永靖邊烽息金革